



LE GOUVERNEMENT
DU GRAND-DUCHÉ DE LUXEMBOURG
Ministère de la Mobilité
et des Travaux publics

Äntwert vum Minister fir Mobilitéit an öffentlech Aarbechten op d'parlamentaresch Fro n° 6256 vum 27. Mee 2022 vum Här Deputéierten Marc Goergen.

Wéi schonns an der Äntwert ob d'parlamentaresch Fro mat der Nummer 3847 vum 12. Mäerz 2021 beschriwwen, ass d'Axe vun der N31 tëscht der Biff an der belsch/franséischer Grenz eng wichteg Verbindungsstrooss, déi och an den neie konzeptuellen Iwwerleeunge Bedeitung behält, wou de regionale Stroossereseau am Sënn vun enger "classification fonctionnelle" analyséiert gouf.

Am Plan national de mobilité 2035 (PNM 2035) stinn déi ugeduechte Mesurë fir de Mobilitéitskorridor N5/CFL70 (Säit 145), déi ënner anerem virgesinn, datt d'N31 ausgebaut muss gi fir d'Uertschaften aus der Region em Péteng signifikant ze entlaaschten an do entspreichend Verkéiersberouegungsmoosname kennen ze realiséieren.

Momentan sinn déi entspreichend Etudë lancéiert, bei der verschidden Optiounen ob hier Wierksamkeet a Machbarkeet ënnersicht ginn. Zu dësem Zäitpunkt kann awer nach keng Ausso gemaach ginn, wéi d'Kräizungen an d'Usschlusspunkten optimal amenagéiert kenne ginn. Deementspreechend kann och am Abléck keen Timing vu méiglechen Aarbechten op dëser Plaz annoncéiert ginn.

Lëtzebuerg, den 8. Juli 2022.

De Minister fir Mobilitéit an öffentlech Aarbechten

(s.) François Bausch